

ISSN (E): 2181-4570 ResearchBib Impact Factor: 6,4 / 2023 SJIF(2023)-3,778 Volume-1, Issue-12

ҲАМШИРАЛИК МУЛОҚОТИ.

Хақназарова Дилором Тўраевна

Сурхондарё вилояти Термиз шаҳар

Абу Али ибн Сино жамоат саломатлиги техникуми

1-махсус килиник фанлар кафедраси мудири

Аннотация: Барчамизга маълумки, ҳамширалик ишида муомила маданияти енг муҳим ҳислат ҳисобланади. Ушбу мақолада ҳамширанинг мулоқоти, ундаги этика ва деонтологияси ҳақида сўз боради.

Калит сўзлар: “Ҳаёт билими”, “рухий иқлим”, тиббиёт ҳамшираси, тиббий этика

Тиббиёт ҳамшираси мутахассис ҳисобланиб, мижозлар билан бевосита мулоқотда бўлади. Беморларга гинекологик хизматни адо этишда ўрта тиббиёт ходимининг ўзига хос ўрни бўлиб, аксарият кечиктириб бўлмайдиган ҳолатларда биринчи ёрдам кўрсатиш, ўтказилган амалиёт муолажаларидан сўнг тайинланган зарур муолажаларни ўз вақтида, тўғри бажариш ҳамширалар томонидан амалга оширилади. Беморни қабул қилиш, операцияга тайёрлаш, зарур таҳлиллар ўз вақтида олиш, диагностик текширув муолажаларига тайёрлаш, операциядан кейинги даврда bemorni оқилона парвариши гинекология йўналишида даволашнинг асосини ташкил қиласи. Тиббиёт ҳамшираси зикр этилган босқичларнинг барчасида фаол иштирок этади. Врачнинг энг яқин ёрдамчиси сифатида ҳамшира буюрилган муолажаларни сидқидилдан ва тўла-тўқис бажариши, bemorларга меҳрибон ва ғамхўр бўлмоғи зарур. У касбий хулқ - авторга, фазилатга ва хислатларга бўлган талабларга жавоб бериши керак. Ушбу талаблар ичига этика ва деонтология қоидаларига риоя қилиши хам киради.

Этика бу юононча – **аетhос** деган сўздан келиб чиқкан бўлиб, юриштуриш, ахлоқ деган маъноларни англатади.

Ахлоқ деганда кишиларнинг бир-бирига муносабатини, шунингдек, жамиятга, муайян синфга, давлатга, ватанга, оиласа ва ҳоказоларга бўлган муносабатини тартибга солиб турадиган ва шахсий эътиқоди, бутун жамият ва ёки синфнинг кучи билан қўллаб қувватланадиган қоидалар ва хулқ-автор нормалари мажмуини тушуниш қабул қилинган. Содда қилиб айтганда – ахлоқ хулқ-автор нормаларининг йиғиндисидир.

ISSN (E): 2181-4570 ResearchBib Impact Factor: 6,4 / 2023 SJIF(2023)-3,778 Volume-1, Issue-12

Тиббий этикани юзага келиши жуда қадимга тақалади, ҳаттоқи хиндларнинг «Аюведа» “Ҳаёт билими” китобида яхшилик ваadolat муаммолари билан бир қаторда шифокорга раҳмдил, ҳайриҳоҳ, адолатли, сабр тоқатли, осойишта ва хеч қачон ўзини йўқотмаслиги уқтирилади. Шунингдек юнонистонлик Гиппократ тиббий этиканинг ривожига самарали хисса қўшди ва шу туфайли Гиппократ қасамёди юзага келди. Шифокорнинг вазифаси одамларнинг соғлигини ва уларнинг ҳаётини сақлаш борасида ғамхўрлигидир.

Тиббий ахлоқ қадимги Юнонистонда катта тараққиётга еришади ва Буқрот қасамёдида намоён бўлди . Буқрот қасамёди умуман тиббий ахлоқнинг ривожланишига катта таъсир кўрсатади . Кейинчалик тиббиёт ўқув юртларини битириб чиққан ўқувчилар хам қасамёд қабул қила бошлидилар , унга Буқротнинг ахлоқий насиҳатлари асос қилиб олинган.

Тиббий ахлоқнинг асосий вазифалари жамият ва бемор киши саломатлиги йўлида ҳалол меҳнат қилиш , хамиша ва ҳар қандай шароитда ҳам тиббий ёрдам кўрсатиш, беморга диққат – эътибор ва ғамхўрлик билан муносабатда бўлиш, ўзининг барча хатти- харакатларида юксак инсоний қоидаларга риоя қилиш, тиббиёт ходимиининг масъулиятини англаш, ўз Ватанига , хукуматига меҳр- мухабbat ва садоқатни, интернатсионал бурчга содиқликни тарбиялаш, юксак инсонпарвар касбнинг олийжаноб анъаналарини сақлаш ҳамда, тиббиёт ходимиини меҳнатсеварлик руҳида тарбиялашнинг мавжуд воситаларини умумлаштириш ва янгиларни ишлаб чиқишдан иборатdir.

Тиббий ахлоқнинг асосий вазифалари қўйидагилардир:

- жамият ва беморнинг саломатлиги йўлида ҳалол меҳнат қилиш;
- ҳамиша ва ҳар қандай шароитда ҳам тиббий ёрдам кўрсатиш, беморга диққат эътибор ва ғамхўрлик билан муносабатда бўлиш;
- ўзининг барча хатти харакатларида юксак инсоний қоидаларга риоя қилиш;
- тиббиёт ходимидек юксак шарафли ва маъсулиятли вазифани англаш;
- ўз ватанига, хукуматига меҳр-мухабbat ва садоқатни, интернационал бурчга содиқликни тарбиялаш;
- юксак инсонпарвар касбнинг олийжаноб анъаналарини сақлаш ҳамда қўпайтириш;



- тиббиёт ходимини меҳнат руҳида тарбиялашнинг мавжуд воситаларини умумлаштириш ва янгиларини ишлаб чиқишидир.

Ахлоқий тушунчалар.

Ахлоқий тушунчаларга **бурч, жавобгарлик, қадр-қиммат, виждон, номус(шараф) ва баҳт** тушунчалари киради. Улар минг йиллик тарихга эга бўлиб, турли ахлоқий назариялар ва таълимотларда ишлаб чиқилган .

➤ **Бурч** тушунчаси касб ёки ижтимоий муносабатлар асосида қарор топган ўз вазифасини бажариш вақтидаги муайян касбий ва ижтимоий мажбуриятлар доирасини англатади. Бурч тўғри бажарилмоғи учун у охиригача тўғри англаб етилган бўлиши лозим. Бундай шароитда кишида ўз вазифаларини асосли равишда бажариш эҳтиёжи пайдо бўлади.

Юксак ахлоқий сифатларга эга бўлган ва ўз бурчини яхши англақ тиббиёт ходими бурчини тегишли талабларга мувофиқ аниқ ва сифатли бажаради. Тиббиёт ходимининг бурчи инсонпарварликни намойиш қилиш ва хамиша беморга ёрдам кўрсатиш , кишиларнинг жисмоний ва руҳий соғлигига қарши қаратилган ёки уларнинг хаётига хавф солувчи хатти – харакатларда қатнашмаслиқдир.

➤ **Жавобгарлик** - тиббиёт ҳамширасининг ўз бурчини бажариш давомида зарур бўлган саранжом-саришталик, маъсулиятлилик, касбини сустеъмол қиласлик ва ўз зиммасидаги вазифаларни тўла адо этишда ифодаланади. Хар бир тиббий ходим ўзининг пала – партишлиги , енгилтаклиги , беморлар ишончини суиистемол қилиш ва барча хатто хамда камчиликлари учун жавобгарликка тортилади.

➤ **Қадр-қиммат** ва номус шахснинг ўз касбини ижтимоий аҳамиятини фақат англаши, унга бўлган мухаббати ва касбидан ғурурланишигина эмас, балки маънавий жиҳатидан такомиллашишга, иш малакаси ва иш сифатини оширишга бўлган доимий интилишидан ҳам иборатдир.

Тиббиётнинг етук арбоблари касб қадр қиммати ва шарафи туйғусини хамиша баланд сақлаганлар . Бу эса халқнинг тиббиёт намояндаларига зўр ишонч билан қарашига сабаб бўлган.

➤ **Номус-(шараф)** тушунчаси бурч тушунчасидан ажралмасдир. Бу тушунча анча умумий маънода кишининг ижтимоий аҳамиятини (шахс, фуқаро,

ISSN (E): 2181-4570 ResearchBib Impact Factor: 6,4 / 2023 SJIF(2023)-3,778 Volume-1, Issue-12

ўз ишининг устаси сифатидаги ва хоказо аҳамиятини), онглилигини яъни ўз обрўси ва шухратини, ўз қадр-қимматини сақлашга интилишини ифодалайди.

➤ **Виждон** тушунчаси бурч, шараф ва қадр-қиммат туйғуси тушунчалари билан бирлашган. Аҳлоқнинг бошқа тушунчаларидан фарқли ўлароқ виждон тушунчасида кишининг ички ахлоқий, ўз-ўзини англаши ўз хулқи-автори учун ахлоқий жавобгарликни хис килиши, ўз фикрларига, хистайғуларига ва хатти-ҳаракатларига жамиятда амал қилаётган ахлоқ нормаларига мувофиқ равишда баҳо бериши намоён бўлади. Виждон кишининг ички ахлоқий хакамидир.

Виждон кишининг ички ахлоқий туйғусидир . Виждон ахлоқий қадрятлар , чунончи , халолик ва ростгўйлик , адолат ва ахлоқий поклик бошқа кишиларнинг хуқуқларини хамда ўзининг вазифаларини хурмат қилиш кабилар билан чамбарчас боғлиқ.

Кенг халк оммасининг тушунчасида тиббиёт ходими соф виждонли, ниҳоятда ҳалол, адолатли ва юксак ахлоқли кишидир. Кўпгина кишилар шифокор билан дилдаги энг ноёб кечинмаларини баҳам қўрадилар, маслаҳат сўрайдилар ва фақат унинг ўзигагина ишонадилар.

Бир қатор фалсафий-ахлоқий тизилмаларда **бахт** тушунчаси бутун ахлоқ учун бошлангич нуқта деб қаралади. Бахт, бахтли ҳаёт тушунчаси соғломлик тушунчасидан ажралмасдир. Соғлик яхши бўлмаса, тўлиқ бахтнинг бўлиши мумкин эмас. Тиббиёт ходимларининг хулқ-автори ахлоқи муаммоларини кўриб чиқиши вақтида асосий ва умумий масалаларни алоҳида ажратиб кўрсатиш зарурки, тиббиёт ходими қаерда ишлашидан қатъий назар, бу масалаларга амал қилиши, шунингдек поликлиника ёки қасалхонанинг ўзига хос шарт - шароитларига мувофиқ равишда хусусий масалаларга ҳам риоя қилиши зарур.

Ана шу масалаларни шартли равищда **иккига** ажратиш мумкин:

1. Ички маданият қоидаларига, яъни: меҳнатга муносабат қоидаларига риоя қилиш, интизомга риоя қилиш, жамоат мулкига эҳтиёткорлик билан муносабатда бўлиш, ҳамжиҳатлик ва коллегиаллик туйғуларига риоя қилиш.

2. Ташқи ҳулқ-автор қоидаларига, яъни: одоб қоидаларига, хушмуомаликка ҳамда тегишли ташқи кўриниш қоидаларига риоя қилиш (ташқи покизалик, ўз танаси, кийим-бошлари, пойафзалнинг тозалиги, ортиқча

ISSN (E): 2181-4570 ResearchBib Impact Factor: 6,4 / 2023 SJIF(2023)-3,778 Volume-1, Issue-12

безаклар ва пардознинг бўлмаслиги, оқ халат, оқ қалпоқ ёки рўмол кабилар). Булар тиббий ахлоқ қоидаларини ташкил этади.

Ташқи маданият қоидаларига ҳамкаслар, bemorlar ўртасида ўзини тута билиши, бажараётган вазифасига ҳамда шарт-шароитга қараб сухбат олиб боришни билиш ва хоказолар киради.

Одоб ахлоқ қоидалари тиббиётнинг кўп асрлик тарихи давомида ишлаб чиқилган аъзоларнинг жипслиги , ўзаро дўстона муносабатлари , хар бир кишининг меҳнатини хурмат қилиш соф ошкора танқид муайян “ руҳий иқлим” ни вужудга келтиради , иш сифатига яхши таъсир кўрсатади.

Фойдаланилган адабиётлар:

- 1.Қодирхон Иномов “Ҳамширалик иши асослари” Тошкент – 2007 йил.
2. А. Гадаев , М.Х.Алимова , Х.С. Салиходжаева , Л.Х.Мусажонова “Умумий Амалиёт ҳамширалари учун амалий қўнималар тўплами” Тошкент - 2011.
3. Т.Ю. Умарова , И.А. Қайумова , М.Қ. Ибрагимова “Ҳамширалик иши ” Тошкент- 2003 йил .
4. K.U. Закирова , D.U. Тоҳтаматова “Ҳамширалик иши асослари” Тошкент – 2010 йил.